



Measles boin in kōḡōḡō ko ñan Doulul ko ilo-Jukjukin Pād

Kōjerbaḷe boin in kōḡōḡō kein ñan jipaḅ leto letak meḷeḷe ippān jukjukin pad eo am kōn measles, wā, im kōjbarok doon im ājmourur. Rej karōk ñan an pidodo kōjerbaḷi. Kelet boin ko rekkaḷ ñan armej ro kwoj konnaan ippeir im kōjerbaḷe ilo naan ko am māke jabdewōt ien eo kwomaḷoḅ.

Kwomaḷoḅ jaketo jaketak naan kein ilo social media, ilo nuujletta, ilo jukjukin pād būrokraam ko, ilo ien bwebwenato ko ak ilo channel ko jōt. Kwojjab aikuj kōjerbaḷe aolep boin. Ijelaḷkin, kelet meḷeḷe ko rejelijot ñan iien eo, armej ro kwoj konnaan ippeir im enaan eo kwoj konan kwalok.

Ien eo eḷaḷoḅ, kajeoḅ bwe en kadu naan ko, alikkaḷ im lukkaḷ lale meḷeḷe ko armej ro kwoj kōḡōḡō ippeir rej aikuj ak renij loe an wōr tokjen.

Measles ej juon naḅinmej kauwōtata.

- Armej ro rej bōk measles rej naḅinmej iumwin juon wiik ak aitok lak. Rej aikuj pād wōt ilo kapijuknen ko aer im etolak jen armej ro jōt.
- Eloḅ iaan armej ro rej bōk measles rej mour. Ak jōt armej rej bōk naḅinmej ilo lojilḅi, pneumonia ak bōbōj kōmalij. Jōt ien armej ro rej bōk measles rej aikuj deḷoḅ aujpitōl.
- Measles ekkā an laptata an kauwōtata ñan niḅniḅ ro; ajri jidik; ribōḷoḷo; im jabdewōt bar armej eo elapḷok an mojno enbwinnin.

Measles epidodo an ajedeed.

- Measles emōj an ajedeed ilo Washington. Elukkaḷ lap an kapopo.
- Measles ej ajedeed ien eo juon armej eo baeroj eo epād ippān ej konnaan, pokpok ak ḷaje. Baeroj eo eḷaḷoḅ pād lowaan juon ruum iumwin ruo awa elikin an armej eo emakūt.
- Eloḅ iaan armej ro rejaḅin wā im rej epāake measles rej naḅinmej. Reḷaḷoḅ kajedeed baeroj eo ḷōkta jen aer loe kakōḷle ko. Ej wūnin an armej ro rejaḅin wā aikuj pād ilo kapijuknen ko aer ḷok ñan 21 raan (jilu wiik ko) eḷaḷe rej epāake naḅinmej eo.
- Eḷaḷe ewōr am measles kakōḷle ko, pād wōt mweo imōm im etolak jen armej ro jōt bwe baeroj eo en jab ajedeed. Measles kakōḷle ko ekoba piba kajoor, pokpok im būroḷoḷo mej.

Wā eo waween eo eman tata ñan bōbrae measles.

- Measles wā ej bōbrae ajri ro im rūtto ro jen naḅinmej in. Eloḅ iaan armej ro rej bōk wā renij kōjbarok ñan aolepen mour ko aer.
- Juon alen wā ej bōbrae 93% in armej ro jen bōk measles, im ruo alen wā ej kōjbarok 97% in armej.
- Ilo wā eo ewōr aer jekjek mojno in baeroj eo im ej katakin enbwinnin ñan tarinae ippān naḅinmej eo.
- Measles wā eo ej bar nae etan Measles, Mumps, and Rubella (MMR, Measles, Mumps, im Rubella) wā. Ej bōbrae nae measles, mump, im rubella.





Elañe kwojjab jellā ñe emōj am ak an baamle eo am wā, ewōr waween am lale.

- Kwomaroñ kepāake jikin taktō eo am, opij eo an taktō eo am ak jikin ebbok wūno im kajjitōk bwe ren lewaj rekoot ko am.
- Kwomaroñ kanne aunlain ñan lale rekoot ko am ilo myirmobile.com. MyIR Mobile ej jermal ippān Washington State Department of Health (Rā eo an Ajmour) ñan jipañ armej kōjbaļe rekoot ko aer. Ejelok jaaj ñan kōjbaļe.
- Measles wā eo emaroñ laajrak ilo rekoot ko āinwot MMR ak MMRV.

Measles wā eo ej bōbrae.

- Jej meļeļe ke armej emaroñ wōr aer abñōñō in bōbrae ak kajjitōk ko kōn measles. Elukkun loñ meļeļe ko rejjab mooļ kake wā.
- Jejellā ke measles wā eo ej bōbrae kinke jaintij ro ilo jukjukin pād ko ad māke im peļaa kin lalin rekar katak kake iumwin eloñ yiiō ko.
- Taktō ro ilo jukjukin pād ko ad māke rej lōke measles wā eo. Taktō eo am ak rijerbal ro ilo jikin ebbōk wūno remaroñ uwaak kajjitōk ak abñōñō ko am.
- Ejjab koneek MMR wā im autism. Wā eo ejjab kōmman autism.

Aolep remaroñ jipañ bōbrae measles.

- Waween eo eman tata ñan kōjbarok kōj māke, baamle ko ad im jukjukin pād eo ad ej ñan bōk wā.
- Elañe kwojañin de wā, pād wōt mweo imōm im etolak jen ro jōt elikin am epāake measles ak wōr am kakōļe. Mennin ej bar jipañ bōbrae an ajedeed measles baeroj.

Aorōk ñan jellā kakōļe ko an measles im ta eo ñan kōmmane elañe kwonij loe er.

- Measles kakōļe ko rejjab waļok ilo juon wōt iien. Elañe ewōr am piba kajoor, pokpok im būroro mej, emaroñ measles. Pād wōt mweo imōm im lale ñe juon lennab enij walok ilowaan jejjo raan ko.
- Elañe kwoj loe juon lennab, kūrlok juon jikin taktō ak taktō. Renij kjipañ eok kōmman juon bulāān ñan am loelak ilo am jab kepāake armej ro jōt ñan baeroj eo.
- Elañe kwonañinmej in measles, pād wōt mweo imōm im etolak jen ro uwaan baamle eo am ak armej ro jōt kwoj mour ippeir. Mennin ej jipañ bōbrae er jen baeroj eo.





Measles wā ej pād ilo an ejelok wonān ak ilo an dik-wonān.

- Kūrlok jikin taktō eo am, rijerbal in jikin ebbōk wūno, opij in taktō ak jikin ājmour.
- Wā ko reṃaroñ etal ilo ejelok wonān ñan ajri ro rediklok je 19 yiiō ilo Washington, jokdoon ewōr aer injuron in ājmour ak jab.
- Wā ko reṃaroñ etal ilo ejelok wonān ñan rūtto ro 19 yiiō im rūttolok im ejelok aer injuron. Jōt iien jikin taktō ko rej jaaj juon wonān jidik ñan lewaj wā ko ñan eok.
- Washington State Department of Health kein kabbok jikin wā eo ej kwalok ñan eok i ko ewōr wā ko ejelok wonān (ijin: <https://experience.arcgis.com/experience/d9883df272e44f20ae6a76279f5d6a0b>).

